



QVÆSTIO MEDICA.

QVOD LIBETARIIS DISPUTATIONIBVS

MANE DISCVTIENDA IN SCHOLIS MEDICORVM,
die Iovis, 11. Decembris,

M. VRBANO BODINEAV

DOCTORE MEDICO, MODERATORE.

Utrum in Exanthematis cruenta mictio benefica sit?



ITIOSORVM humorum excretiones vt salutis, sic mortis interdum prænuntia: Vomitus vomitum curat: hydropem superveniens diarrhœa solvit; totius corporis vitium perirrhœa; lienis duritiem cœthymata livida, nigra. Synochum putrem sanguinis per nares eruptio; suppuratam pleuritidem pus vrina exclusum, cavsum fudor. Has evacuationes criticas victrix natura etiam die non critico, quemadmodum symptomaticas, superior mor-

bis facit tam *ματιγίσσι*, quàm *ἐπιμίσσι*.

DVM ab iis partibus quas corrumpere, prodeunt excrementa, earum labem, & exolutionem indicant quidem, minime tamen tollunt. In hydropes jecoris confirmato, copiosius licet effluat serum, non inde tamen suus iccori *νίος* redit: Nec atrabilarius humor *αἷο* *ἡ* *ἐξ* *ἡ* *ἐξ* *ἡ* expressus naturæ salutaris est; Nec in exanthematis mictu exclusus sanguis minus noxius, quàm dum è gingivis cum alyo liquida exudat, aut è naribus *αἷ* *ἀπαλλει*.

FAMILIARIA pueris & mulieribus exanthemata, veteribus nota; Forta non à fermento sanguinis menstrui; siderum maleficio, aut veneno (quod in corpore nostro generari non potest) sed ab eximia humorum putredine, quæ dum synochum putrem contagij participem accendit, vel cutem tollit in pustulas, vel describit maculis; hinc Morbilli; illinc Variolæ, quæ eo deteriores quo plures ex internis & nobilibus partibus, quàm ex ignobilibus & externis, inficiunt.

8 Qu. Med. Lut. Paris. agit. *Utrum in Exanthematis cruenta, &c.*

PRO impotentia caloris nativi, & humoris feritate atque copia ægri interdum erumpunt, quamvis crebrâ venæ sectione, aut balneo naturam sollicites; potius quàm bezaardicis pulveribus, aut conditis calidioribus, quorum illi sunt inefficaces, hæc noxia; alias ubi erupere carcinomatis instar exulcerant. Infiltrant modò in caput, ubi delirium, & convulsionem funestam, modò in pulmonem, ubi *et. æg. aſſatur*, modò in jecur, & renes, ubi exolationem calamitosam pariunt.

QUOD si tanta omnibus vasis putredo assurgat, ut ichorosus sanguis per mictum excludatur, sicut nonnunquam solet per continuas febres, proximum ægri interitum expectare licet: extincto calore nativo partium nutritiarum, renibus exolutis, inducta humoribus gangrenosi, excis aut hiantibus vasorum ostiis, nulli pulveres pretiosi, nullæ antidoti, nulli galbei, nulla talifmanica præsidia futuram calamitatem antevertent.

Ergo in Exanthematis Mictio cruenta prænotanda.

Proponebat Lutetiæ IOANNES BONIER,
Molinenus, Anno R. S. H. M. DC. XXVII.

DOMINI DOCTORES DISPUTAVRI.

M. Urbanus Bodineau,
Præses.

M. Guillelmus du Pré.
M. Philibert^{us} Morisset.

M. Franciscus Guenault.
M. Ioannes Merlet.

M. Antonius Suar.
M. Remigius Levesque.

M. Iacobus Cornuti.

M. Gabriel Hardouin de saint Jacques.

PARISIIS,

Prostant Exemplaria apud NICOLAVM BOISSET, Typographum,
in Platea Malbertina, ad insigne D. Stephani. 1647.

*cette thèse est la 709^e de la 1^{re} V in folio
des thèses de la faculté.*